

Khomišinare wa SARS Mrn. Edward Kieswetter o kgethilwe bjale ka Modulasetulo wa Mokgatlo wa Lefase wa Taolo ya Khasetomo

Tshwane, 25 June 2023 – Ditirelo tša Motšhelo tša Afrika Borwa (SARS) di amogela go kgethwa ga Khomišinare Mrn. Edward Kieswetter bjale ka Modulasetulo wa Mokgatlo wa Lefase wa Taolo ya Khasetomo (WCO). Dikgetho di diragetše ka la 24 June 2023 ka sebaka sa sešene ya Khansele ya setheo ka mošate mogolo wa WCO, Brussels, Belgium.

WCO e na le maloko a 185, fao dikotara tše tharo e lego maloko a dinaga tšeo di tšwetšwago pele gomme Khansele ke setho sa yona se se golo sa go tšea diphetho tša godimo. E tlhomilwe ka 1952 bjale ka Customs Cooperation Council (CCC), ke yona fela e lego setheo sa tsenelano ya pušo yeo e tsepeletšego go merero ya Khasetomo gape e lemogwa bjale ka lentšu la setšhaba sa lefase la Khasetomo. Ka 1994, CCC e amogetše tirišo ya leina la Mokgatlo wa Lefase wa Taolo ya Khasetomo (WCO).

Ka go amogela tlhotlo ya go etelela pele WCO sebaka sa ngwaga, Mrn. Kieswetter o boletše mantšu a ditebogo go bašoma mmogo ba gagwe, bao ba mmonego a swanelwa ke ketapele ya setheo se sa go hlomphega. O boletše gore go “boetapele ke maikarabelo a sewelo gape ke tokelo ya go setlwaeele ya maitekelo a go direla ditšhabatšhaba go sepetša merero ya Khasetomo go nolofatša kgwebišano ya ditšhabatšhaba. Kgetho ye ke bohlatse ka botlalo bja go laetša gore ketapele ya SARS go merero ya Khasetomo e a amogelwa ka morago ga mengwaga ye mentši ya go Thopiwa ga Mmušo”.

Dikgetho di be di eteletšwe pele ke Khomišeni ya Pholisi. Ditherišano tša Khomišeni ya Pholisi di pharologane go tloga ka tšwetšopele ya mananeo a sethekeniki a Khasetomo a WCO, ditlhotlo tša go hlagelela le tše dimpsha tša go tlaisha lefase la Khasetomo, le merero ya tšwetšopele ya setheo ya mabapi le pušo le mpshafatšo ya WCO bjale ka setheo sa go sepetšwa ke maloko.

Bjale ka ge go filwe hlogotaba go sererwa sa lenaneothero la gabjale, Khomišinare Kieswetter o dutše setlhoeng sa maemo a lefase ka bophara a go fana ka ketapele ya maleba go tiišetša gore WCO e phethagatša morero wa yona gape e dula e le tsenya tšhomong ya maleba ka go fana ka ketapele le thekgo go setšhaba sa lefase la Khasetomo.

Khomišinare Kieswetter o hlalositše lenaneothero leo le tlhalosago bodulasetulo bja gagwe bjale ka:

1. Go šoma le bašoma mmogo ba gagwe le dithaka go tšwa go dinaga tša maloko go theeletša ka tlheko le go kgonthiša gore leano la maikemišetšo a WCO le hwetša tlhagišo ya go tlwaelega ka tirišo ya:
 - phethagalo ya Bongwaledi bja go laolwa gabotse,
 - leano la mpshafatšo ya diphetogo,
 - peakanyo ya maleba ya mešongwana ya pele,

- kwešišo ya tlheko ya go hlalosa gabotse gore go thopa go ra eng.
- 2. Bolelela ka go akaretša kudu ka tsepelelo e kgolo go basadi le batho bao ba sa itekanelago mebeleng.
- 3. Aga tirišanommogo ya tšwetšopele le phethagalo le baswarakabelo.
- 4. Phegelela go profaele ya go kaonafatšwa ya maikarabelo a bohlokwa a Khasetomo go tirelo ya Setšhaba le go kgonthiša maphelo kudu a bao ba lego tlalelong.

Sebaka sa go feta gape sebaka se se tee fela seo naga e kilego ya swara setulo sa WCO Council e bile magareng ga 2001 le 2006 ka fase ga ketapele ya Khomišinare wa peleng, Mrn. Pravin Gordhan.

Khomišinare Kieswetter o lebogile Mongwaledikakaretšo yo a tšwago setulong, Dr Kunio Mikuriya le Modulasetulo Mrn. Ahmed Al-Khalifa bakeng sa boetapele bja Katlego bjo bo sepedišitšego lenaneothero la moreromogolo wa setheo ka Katlego.

Khomišeni ya Pholisi gape e kgethile Mrn. Ian Sanders wa ka United State bjale ka Mongwaledikakaretšo yo moswa wa WCO. Mrn. Sanders o tlo thoma tirelo ya gagwe la 01 Janaware 2024.

Mafelelong, Khomišinare o lebogile bašomammogo ba gagwe go tša ka kontinente ya Afrika kudu ba la Bohlabela le Borwa bja Afrika, badirišanimmogo ba rena ba BRICS le dilete tše dingwe ka go fa Afrika Borwa tlotlo e kgolo ka se.

Go hwetša tshedimošo enngwe ikgokaganye le SarsMedia@sars.gov.za